



Latilly am Mée

Och dëst Joër waren mir op Latilly op den Domaine de la Salamandre gefour fir ee puer schéiner Deg ënner Fëscherkollegen ze verbréngen. Fofzëng Memberen vum Fly Fishing Club aus Lëtzebuerg waren matgefour an sollten dräi wonnenschéin an erliewnessräich Deg op dësem schéinen Site erliewen. Latilly ass fir eis ëmmer ee bëssen Vakanzenfeeling ewell teschent den Sanddünen kënnt ëmmer d'Gefill op ewei wann een géif op der Plage fëschen. Nodeems mir unkomm waren an eis an Schuel gehäit haten, hun mir direkt ee bëssen bei den Booten gefëscht fir een gudden Unfank ze kréien an hei huet et och direkt gerabbelt.



Den Jeck an den Luss haten allen Béid een schéinen Black Bass gefaangen an den Robert war dun natirlech virwerzég gin an ass sech dat unkucken komm, natirlech hat Hien séng Staang einfach niddergeluecht an esou koum et dass a bee mol an der Mëtt vum Séi éng Forell mam Robert sénger Staang spazéieren geschwommen ass, mee glécklecher Weis stung just géigeniwwer vun eis den Jemp an Hien huet mat sénger Schnouer konnten dem Robert séng Staang iwwerwerfen an

esou erausfëschchen. Dem Jemp wor et hei net drems gaangen fir d' Staang ze retten, villméi wollt Hien den Fësch fänken....
natürlech hat den Luss och direkt séng Kamera parat fir dat Gantz fest ze halen an esou kënnen mir ënnert der Rubrik
"Pleiten, Fesch und Pannen" eis nach éng Kéier um Robert séngem Mëssgeschéck erfreën wann mir eis am Kader vun eiser
Generalversammlung den Film mam Rëckbléck vum Joër unkucken. Mir waren eis unschléissend dann och eens dass mir an
der éischter véirel Stonn schon méi erliewt hatten ewei munch mol während énger ganzer Sortie.





Mir waren Moies géint eelef Auer zu Latilly unkomme nodeems mir ongeféier dräi Stonnen mam Auto gefouert waren. Latilly läit teschent Reims an Paréis an enger wonnerbarer ländlescher Géigend ewou een wirklich nach kann och an der häiteger Zäit Rouh fannen an domader der Hektik vum Alldag entkommen. Déi wonnerbar an geloosen Stëmmung ënnert den Fëscher sollt eis dann och iwwert déi dräi Deg begleeden, et ass vill gelaacht gin an och wann ee mol éng kléng Schauer eis naass gemeet huet konnt dat eiser gudder Laun näischt undoen villméi hun mir och dat als wëllkommen Ofkillung an kaaf geholl an hun no der Erfrëschung weidergemeet ewei wann näischt gewiescht wär. d'Wieder wor dann och allgeméng wiesselhaft, mir hatten vill Wollécken, ee bëssen Reen an och ganz schéin sonnég Momenter. Genee ewei beim Wieder sollt et sech dann och mat den Fësch verhalten, et waren net esouvill Fësch besat ewei sos mee et waren awer nëmmen ganz schéin an virun allem staark Fësch gefaangen gin. Erfreelecher Weis ass den Bestand un Black Bass'en enorm an d'Luucht gaangen, wor et bei eisen Sortiën an der Vergaangenheet nach éischter seelen dass een konnt dës Zort vum Fësch gesin esou waren se dës Kéier an allen Gréissten ungetreffe, ewoubäi Latilly iwwerhaupt deen eenzegen Séi an

eiser Géigend ass ewou een dës Zort Fësch fänken kann, wat awer net heeschen soll dass se einfach ze iwwerlëschten wäeren an et ass nach ëmmer een Héichpunkt bei all Sortie wann een d'Glück hat een schéinen Black Bass ze fänken. Mir hun awer Alleguer eis Fësch gefaangen an wann d'Qualitéit vun den Fësch esou grouss ass dann mécht et och näischt aus wann een net all zwou Minutten een Fësch fänkt, och dësen Phänomeen begleet eis schon déi ganz Saison.



Ënnerbruecht woren mir eweie ëmmer an Chaletsen déi op engem Hiewel uewerhalb vum Séi geleën sinn. Dës sinn zwar relativ einfach équipéiert mee fir esou een kuurzen Trip vun dräi Deg awer beschuens geeignet. Jessen an drenken fënd am Lagon bleu, dem Restaurant direkt un den Unwänner vum Séi geleën statt, hei hun mir och Moies Kaffi gedronk an d'lessen op der Terrasse direkt mat Bléck op den Séi ass schon een Erliwness fir sech, zeemols ewou d'Stëmmung net hät kéinten besser sinn.





Mir haten éng wonnerschéin Zäit, eisen Repertoire un Witzer ass erëm bis uewen hin gefëllt, Speck hun mir och ungesat ass virun allem frësch Ënergie getankt fir dem Alldag ze trotzen. Ëe puer Nidderträchtegkeeten waren natirlech och dobäi esou ewei mir Moies Kaffi gedronk haten an eisen Sekretär den Ërny sech ee bëssen verspéid hat, ewei Hien dun Plaz gehol hat fir Kaffi ze drenken sin mir Alleguer mateneen opgestaanen an hun Hien erläng sëtzen geloos, dat haten mir natirlech am Virfeld ofgesprach an hun eis ewei kléng Kanner gefreet ewei mir dem Ërny säin verdutzten Gesiicht gesin hun, natirlech hun mir Hien net erläng sëtzen geloos an hun eis nach éng zweet Kéier geopfert fir och nach éng Kéier mat Him zesummen Kaffi ze drenken. Jee déi dräi Deg waren erëm vill ze kuurz an dobäi och nach vill ze schnell eriwwer, mir hun esouvill schéin Fotoën gemeet dass een nach ee puer Säiten hät kënnen un den Bericht drunhänken, och eisen Film gët gewëss ereegnesräich an voll gepaackt mat schéinen Ërënnerungen, hoffentlech geet et och den Rescht vun eiser Saison an dësem Rhythmus weider, dann stin eis nach vill schéin Sortiën bevir.



